

Na osnovu pozitivnih zakonskih propisa i opštih akata Udruženja , a prema ukazanim potrebama organa Udruženja FONOGRAM, a na osnovu ovlaštenja iz Statuta Udruženja za zaštitu prava proizvođača fonograma „FONOGRAM“ (u daljem tekstu: Udruženje), Skupština Udruženja na sjednici održanoj 09.12.2016. godine, donosi:

PRAVILNIK O IZDACIMA POŠTANSKIH USLUGA

I OPĆE ODREDBE

Član 1.

Ovim Pravilnikom se utvrđuju uslovi, način i postupak korištenja poštanske usluge kao i maksimalni godišnji iznosi sredstava za poštanske usluge u Udruženju za zaštitu prava proizvođača fonograma „FONOGRAM“ (u daljem tekstu: Udruženje)

Član 2.

Udruženje može koristiti sve poštanske usluge propisane Zakonom o poštama BIH., Opštim uvjetima za pružanje poštanskih usluga, Zakonom o poštanskom prometu Federacije BIH i Pravilnikom o općim uslovima za pružanje poštanskih usluga.

Član 3.

(1) Udruženje koristi poštanske usluge, u pravilu, na osnovu ugovora o pristupanju uz uvjete određene Zakonom i ovim Pravilnikom

(2) Ugovor o pristupanju nije u pisanom obliku, a smatra se sklopljenim kada poštanski operator preuzme poštansku pošiljku.

(3) Vrijeme sklapanja ugovora o pristupanju određuje se prema datumu na otisku žiga poštanskog operatera na potvrdi o prijemu pošiljke, odnosno na pošiljci koju se ne daje potvrda o prijemu pošiljke.

(4) Udruženje može s poštanskim operaterima sklopiti pisani ugovor koji se uređuju uvjeti, način, postupak obavljanja poštanskih usluga.

(5) Međusobna prava i obaveze iz poštanskog ugovora iz stava 3. istava 4. ovog člana zasnivaju se između Udruženja i poštanskog operatera. Nakon uručenja poštanske pošiljke određena prava i obaveze iz poštanskog ugovora prelaze sa pošiljaoca na primaoca poštanske pošiljke u skladu sa Zakonom, ovim Pravilnikom i Pravilnikom o poštanskim i kurirskim uslugama.

II TROŠKOVIKORIŠTENJA POŠTANSKIH USLUGA

Član 4.

Troškovi korištenja poštanskih usluga na godišnjem nivou mogu iznositi do 20.000KM +PDV. Ova odredba može se mijenjati na godišnjem nivou u skladu sa potrebama razvoja Udruženja utvrđenog godišnjim planom rada koji usvaja Skupština Udruženja.

III PLAĆANJEPOŠTANSKIH USLUGA

Član 5.

(1) Cijenu za poštanske usluge (u daljem tekstu:poštarina) plaća Udruženje, prema cjenovniku. Cjenovnik donosi poštanski operator na način propisan odredbama Zakona i on sadrži cijene za sve usluge koje obavlja poštanski operator.

(2) Poštarina se , u pravilu, naplaćuje od pošiljaoca i to unaprijed, osim ako Zakonom, ovim Pravilnikom ili Ugovorom sklopljenim između poštanskog operatera i Udruženja nije drugačije određeno.

(3) Poštarina za dostavu paketa naplaćuje se od primaoca.

(4) Udruženje može od poštanskog operatera zahtijevati posebne uvjete plaćanja koji se uređuju ugovorom sklopljenim između poštanskog operatera i Udruženja.

IV PRAVO NA KORIŠTENJE POŠTANSKIH USLUGA

Član 6.

- (1) Svi zaposleni u Udruženju imaju pravo korištenja poštanskih usluga u Udruženju
- (2) Svi zaposleni u Udruženju dužni su da racionalno koriste poštanske usluge
- (3) Rukovodioci sektora i odjela:
 - prate korištenje poštanskih usluga;
 - u slučaju kad se ocijeni neopravdano Korištenje poštanskih usluga, sektor za finansije u Stručnoj službi ili lice ovlašteno za vođenje finansijskog poslovanja Udruženja direktoru Udruženja i direktoru Stručne službe Udruženja predlažu mjere koje treba poduzeti.

V NAČIN KORIŠTENJA POŠTANSKIH USLUGA

Član 7.

- (1) Udruženje predaje poštanske pošiljke uz uvjete i na način određen Zakonom o poštama BiH i Općim uslovima za pružanje poštanskih usluga, Zakonom o poštanskom prometu Federacije BiH i Pravilnikom o općim uvjetima za pružanje poštanskih usluga, uz obavezu da odabere onu vrstu propisane usluge koja odgovara sadržaju, stvarnoj vrijednosti i značenju pošiljke.
- (2) Udruženje se, u pogledu sadržaja, pakovanja, adresiranja i zatvaranja poštanskih pošiljaka koje predaje na otpremu, pridržava uvjeta definisanih Zakonom o poštama BiH, Opštim uvjetima za pružanje poštanskih usluga Zakonom o poštanskom prometu Federacije BiH i Pravilnikom o općim uvjetima za pružanje poštanskih usluga.

VI PLANIRANJE TROŠKOVA KORIŠTENJA POŠTANSKIH USLUGA

Član 8.

Udruženje će planirati godišnji iznos troškova korištenja poštanskih usluga u skladu sa aktivnostima utvrđenim u programu rada, ali maksimalno do iznosa utvrđenog u članu 4. ovog Pravilnika.

VII KONTROLA TROŠKOVA KORIŠTENJA POŠTANSKIH USLUGA

Član 9.

Obračun i praćenje troškova nastalih korištenjem poštanskih usluga vrši Sektor za finansije u Stručnoj službi Udruženja ili lice ovlašteno za vođenje finansijskog poslovanja Udruženja.

VIII PRELAZNE IZAVRŠNE ODREDBE

Član. 10

- (1) Za provođenje ovog Pravilnika odgovorni su Predsjednik i potpredsjednik Upravnog Odbora.
- (2) Nadzor nad primjenom odredbi ovog Pravilnika vrši Nadzorni odbor Udruženja.

Član 11.

Ovaj Pravilnik stupa na snagu danom donošenja.

Udruženje za zaštitu prava
proizvođača fonograma "FONOGRAM"

Broj: A-0477/12/16 Datum: 09.11.2016



Predsjednik Skupštine
Svjetlana Guja